



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE MEMBRIS ECCLE-||SIAE MILITANTIS,|| TRIBVS LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XV. Quot sint, & quæ iusti belli conditiones.

[urn:nbn:de:hbz:466:1-53880](https://nbn-resolving.de/urn/resolver.pl?urn=urn:nbn:de:hbz:466:1-53880)

C A P V T X V.

Quot sint, & quæ iusti belli conditiones.

BELLI iusti conditiones quatuor numerare solent, qui hæc tractant. Auctoritatem legitimam, caussam iustum, intentionem bonam, & modum conuenientem. Sed de singulis seorsim dicendum est.

PRIMA igitur conditio est auctoritas legitima, dicit enim S. Augustinus lib. 22. contra Faustum, cap. 75. *Ordo ille naturalis mortalium paci accommodatus hoc poscit, ut suscipiens bellum auctoritas, atque consilium penes principem sit, exequenda autem iussa bellica ministerium milites debeant paci, salutique communi.* Et ratio idem probat; nam priuati homines, & qui superiorem habent, si ab aliquo iniurias accipiāt, possunt ad superiorem configere, atque ab eo iudicium petere. At principes si ab aliis principibus aliquid patiantur, nō habent commune aliquid tribunal, ad quod illos accusent, & ideo licet eis bello iniurias publicas propulsare.

Residet autem hæc auctoritas indicendi belli, secundum communem sententiam, in omnibus principibus, & populis, qui in temporalibus superiorem non habet, quales sunt Reges omnes, item Respub. Venetorum & similes, &c. Item nonnulli Duces & Comites, qui nulli subsunt in corporalibus: non autem Duces & Comites, qui subsunt regibus immediate; qui enim subsunt aliis, non sunt per se capita Reip. sed potius membra. *Nostra tamen hanc auctoritatem non requiri ad bellum defensuum, sed solum ad offensuum; nam defendere se unicusq; licet, non solum principi, sed etiam priuato, at indicere bellum, & inuadere hostem, solius est supremi capitum.*

SECUNDA conditio est cauſa iusta; non enim sine cauſa bellum indici potest, nec etiam propter quodcumque peccatum, sed tantum propter iniuriam propulsandam. Ita B. August. q. 10. in Iosue: *Iusta bella, inquit, definiri solent, quæ vel scutur iniurias, si quæ Gens vel ciuitas, quæ bello petenda est, vel vindicare neglexit, quod à suis improbe factum est, vel reddere, quod per iniuriam ablatum est.* Ratio autem huius est, quia princeps non est iudex, nisi hominum sibi subditorum, ergo non potest quæcumq; peccata aliorum hominum punire,

HHhh 5 sed

sed solum ea, quae cedunt in detrimentum populi libidinis. Etiam nam et si non est iudex ordinarius aliorum, est tamen defensor suorum, & ratione huius necessitatis efficitur eius quodammodo iudex eorum, qui suis iniuriam fecerunt, ut possit eos gladio punire.

AB.
Regula. Est verò obseruandum, caussam belli debere esse non levem, neq; dubiam, sed magnam, & certam, ne forte plus incommode bellum afferat, quam sit utilitas, quæ inde speratur; si autem dubia sit, distinguendum est de principe, & militibus; nam princeps ipse sine dubio peccat; nam bellum clatus iustitia punitiæ, iniustum est autem punire aliquem caussa nondum probata: milites autē non peccant, nisi constaret certò bellum esse illicitum; debent enim subditipares superiori, nec debet discutere imperia eius, sed potius presumere debent principem suum bonam caussam habere, nisi manifestè contrarium nouerint: sicut etiam cum dubia est culpa alicuius particularis, peccat iudex, qui eum damnat, non carnifex, qui damnatum occidit; non enim teneretur carnifex discutere sententiam iudicis, ita docet Bonifacius Papa in Sexto, de regulis iuris, regula 25. Quod quis, inquit, mandato facit iudicis, dolo facere non videtur, cum habeat parere necesse. Et B. Augustinus lib. 22. contra Faustum, c. 7. Hoc etiam, inquit, sit et vir iustus, si forte sub rege sacrifici militet, rectè posse illud iubente bellare, ciuica pacis ordinem seruans, cui quod iubetur, vel non esse contra Dei praeceptum, certum est, vel strum sit, certum non est, ita ut fortasse rem regem faciat iniquitas imperadi, innocentem autem militem ostendat ordo seruendi.

NOTA tamen hoc intelligi de militibus, qui sunt obligati ei principi, qui bellum gerit, quales sunt subditi eius, & cuiusque, qui ordinatum ab eo stipendum habent etiam tempore pacis, non autem de aliis qui aliunde adueniunt cum est bellandum; qui enim non sunt obligati militare, non possunt tutta conscientia ad bellum accedere, nisi sciant bellum esse iustum: qui autem nihil cogitant, sed parati sunt militare, siue bellum sit iustum, siue non, modo stipendum habeant, iij in statu damnationis versantur.

TERTIA cōditio est intentio bona. Nam cum finis belli sit pax & tranquillitas publica, non licet bellū suscipere propter

pter alium finem. unde grauiter peccat tam reges, quam milites, qui vel ut noceat alicui, vel ut imperium dilatent, vel ut exerceant fortitudinem bellicam, vel alia de causa bellum suscipiant, quam propter commune bonum, etiam si auctoritas legitima, & causa iusta non desint ita. B. A V G V S T I N V S in epist. ad Bonifacium comitem, quae est 207. aliás 205. *Pacem, inquit, habere debet voluntas, bellum necessitas.* Et libet Deus à necessitate, sed conseruet in pace; non enim pax queritur. Et bellum geratur, sed bellum gerit, Et pax acquiratur. Esto ergo etiam belludo pacificus, Et eos, quos expugnas, ad pacis unitatem vincendo perducas. Et lib. 22. contra Faustum, cap. 74. Nocendi cupiditas, viciendi crudelitas, impacatus, atque implacabilis animus, feritas rebellandi, libido dominandi, Et si qua similia, hac sunt, qua in bello sure culpantur.

Sunt autem duo notanda. PRIMO, quoniam bellum est medium quoddam ad pacem, sed valde graue, & periculose, ideo non esse mox inferendum bellum, cum causa existit, sed esse prius procurandam pacem aliis rationibus facilioribus, nimirum pacifice petendo ab hostibus debitam satisfactionem. Deut. 20. *Si quando accesseris ad expugnandum ciuitatem, offeres ei primum pacem,* &c. Et B. Augustinus epist. 207. ad Bonifacium: *Pacem habere debet voluntas, bellum necessitas.*

SED quæreret aliquis, quid si hostis nolit initio satisfacere, sed paulò post bello iam inchoato petat pacem, & satisfactionem offerat, an tenebitur alter à bello cessare. Caetanus verbo Bellum, dicit, quod non tenetur cessare quando bellum iam est inchoatum, quamquam teneretur antea quam inchoaretur acceptare satisfactionē. Sed (meliori iudicio saluo) dicendum videtur, quod ex iustitia nunquam tenetur, qui habet iustam causam, acceptare satisfactionem, nec ante bellum inchoatum, nec postea: tamen ex caritate veroque tempore tenetur, nisi per accidens aliud expediat. PRIORIS ratio est, quia princeps habens iustam causam belli, gerit personam iudicis respectu alterius principis, qui iniuriam fecit, iudex autem non tenetur ex iustitia condonare mortem reo, etiam si offerat satisfactionem, quamquam possit condonare ex misericordia, si sit supremus iudex, verbi gratia, Rex non tenetur donare vitam furi, etiam si restituat,

restituat, et si ex misericordia potest. Ratio posterioris est, quia bellum est grauissimum supplicium, & quo non solum punitur qui peccauit, sed etiam per accidens multi innocentes in uoluuntur: ideo Christiana caritas semper id detinet exigere ut a bello cesseretur, quando qui nocuit, debet satis factionem offert, nisi forte per accidens aliud expedit; id est, nisi talis sit hostis contra quem pugnatur, ut bono communni expedit eum vel subiectum esse alteri, vel funditus interfiri, quales erant Amorrhæi, quos Deus iussit penitus dereliici. Deuter. 20.

SECUNDUM notandum, differre hanc tertiam conditionem a duabus primis, quod illæ si desint, faciunt bellum esse iniustum, haec vero si desit, facit bellum esse malum, sed non iniustum propriè. qui enim sine auctoritate vel sine iusta causa bellum mouet, non solum contra caritatem, sed etiam contra iustitiam peccat, & non tam est miles, quam latro; qui vero auctoritatem, & causam iustam habet, & tamen amore vindictæ vel augendi imperij, vel propter alium sine malum bellat, non agit contra iustitiam, sed solum contra caritatem, nec est latro, sed malus miles.

Ex quo deducitur, quod cum solum deest haec terria conditio, non tenetur milites, nec reges ad ullam restitutionem, sed solum ad poenitentiam: cum autem deest prima vel secunda, tenentur omnes ad restitutionem damni illati, nisi excusentur ignorantia inuincibili: ignorantia enim crassa, & culpabilis, sicut a peccato non excusat, ita nec a restitutione, ut habemus capite finali de iniuriis & damno dato. qui autem laborat ignorantia inuincibili, non tenetur restituere donec ea ignorantia laborat; at cum cognoverit bellum fuisse iniustum, tenetur restituere, non damnum tempore belli datum, sed si quid haber alienum ex illo bello: & si nihil haber in specie, sed tamen rebus venditis factus est ditior, tenetur restituere tantum, quantum est ditior factus; nam res aliena retineri non potest, etiam si propter ignorantiam sine peccato acquisita sit, sed reddi debet vel Domino si scitur, vel pauperibus.

QVARTA conditio est, modus debitus, qui in eo precipue consistit, ut nulli innocentio noceatur, quod explicuit Ioannes Baptista Luc. 3. *Neminem concutatis, nulli calumniam faciat.*

faciat is, contents estote stipendis vestris. Quibus verbis prohibet iniurias, quas milites inferre solent innocentibus aut vi, aut fraude, vel in persona, vel in bonis. cum dicit: *Nemini concutatis,* prohibet iniuriam, que aperta violentia infertur personæ, ut cum rusticos credunt, nisi ad nutum obediant. cum dicit: *Nemini calumniam faciat is,* prohibet iniuriam quæ fraudibus, & calumnia infertur, ut cum dicunt aliquem esse proditorem vel hostem, etiam si contrarium nouerint esse verum, & eo nomine vel ipsi eum spoliant, aut occidunt, vel deferrunt ad ducem, vel praefectos, cum vero addit: *Contents estote stipendis vestris,* prohibet iniuriam, quæ alicui non in persona, sed in bonis infertur, ut cum furatur, & rapiunt undeunque possunt, vel etiam exigunt, & extorquent ab iis à quibus non debent.

Est autem obseruandum, tria esse genera personarum, quibus milites damnum inferre non possunt secundum regulam Ioannis Baptiste. PRIMUM est eorum omnium, qui ad Rempub. hostium non pertinent: ex quo excusati non possunt milites, qui damnum inferunt ciuibus, aut rusticis amicis, apud quos hospitantur, vel per quorum loca transeunt, neque excusantur si dicant, sibi stipendia non solvi; nam non propterea illis obligata sunt bona priuatorum ciuium, neque luere debet poenam ciuis, aut rusticus, si rex aut dux peccat non soluendo stipendia militibus, nisi forte iusta de cauſa damnati sint homines alicuius loci ad hanc poenam, ut milites alant, quod tamen rarius accidit.

SECUNDUM est quorundam, qui etsi aliquo modo ad Rempub. hostium pertinent, tamen excipiuntur capite Innoamus, de tregua, & pace, vbi sic dicitur; Innoamus, ut Presbyteri, Monachi, conuersi, perigrini, mercatores, rusticci eunes, vel redeutes, vel in agricultura existentes, & animalia, quibus arant, & semina portant ad agrum, congrua securitate latentur. vbi nomine mercatorum non videntur intelligi, qui in ciuitate hostium resident, & sunt pars quædam ciuitatis, sed solum ij, qui transeunt, vel ad nudinas veniunt, qui non sunt pars ciuitatis.

TERTIVM genus est hominum ineptorum ad bellum, quales sunt pueri, senes, mulieres, tales enim, etsi capi & spoliari possunt, quia sunt pars ciuitatis, tamen occidi iuste non possunt,

possunt, nisi fortè casu & per accidens occidatur, ut cùm milles iaculatur in cuneum hostium, & fortè occidit puerum, aut mulierem, aut etiam sacerdotem, non peccat, sed rur peccat, cùm ex intentione occidit, & potest, si velit, non occidere; nam & ratio naturalis hoc docet, & etiam Deus hoc iubebat Hebreis Deut. 20. nimis ut parcerent parvulos & mulieribus, & Theodosius grauiter ab Ambroſio reprehēſus fuit, quod cùm punire vellet Thessalonicenses, sine leſtu obuios quoſque necari iussit, ut refert Theodosius lib. 5. histor. cap. 17. & 18. Q uod si Moses aliquando iudeo etiam mulieres, & parvulos occidi, ut patet Deuter. 2. & 3. alibi, non propterea id etiam nostris militibus licet; nam in Dei reuelatione clare cognoscebat Deum sic velle, cui non dicere potest, cur ita facis?

CAPUT XVI.

Licere bellum gerere Christianis contra Turcas.

AM verò quæſtio de bello contra Turcas omni potuisse, niſi Lutherus inter alia ſua paradoxam hoc protuliffe, ac defendere conatus, non licere Christianis contra Turcas bellum gerere, ut patet ex articulo 34. in Bulla Leonis damnato. Therò videtur affentiri Theodorus Bibliander in Chtonologia tabul. 13. vbi ſic ait: *Vrbanus, ſeu potius turbo fauorum spiritu malo homicidie gaudente impulſus, bellum pro reuanda Iudea commouit.*

Est autem obſeruandum, Lutherum non negare bellum contra Turcas esse licitū, quia putet in genere omne bellum esse illictum; nam in assertione eiusdem articuli ſuaderet bellum contra Pontificē, quem Turcissimum Turcam esse dicit neq; quia existimet non habere Christianos iustum cauillam, conſtat enim omnibus, Turcas nullo iure occupare regna Christianorum, & quotidie plura occupare velle: conſtat etiam eum extinguere cupere omnem religionem, & date omnem operam, ut homines ex Christianis fiant Mahometani. Denique conſtat & antiquos Pontifices, ut Urbanus II. Paschalem II. Eugenium III. & alios multos, necnon gene-